

三國演義



古本三國演義目錄

卷一

- 第一回 宴桃園豪傑三結義
張翼德怒鞭督郵
議溫明董卓叱丁原
廢漢帝陳留爲皇
發矯詔諸鎮應曹公
焚金闕董卓行兇
袁紹誓河戰公孫
王司徒巧使連環計
除兇暴呂布助司徒
勤王室馬騰舉義
劉皇叔北海救孔融
陶恭祖三讓徐州
李傕郭汜大交兵
曹孟德移駕幸許都
太史慈酣關小霸王
呂奉先射戟轅門
袁公路大起七軍
賈文和料敵決勝
- 斬黃巾英雄首立功
何國舅謀誅宦豎
魏金珠李肅說呂布
謀董賊孟德獻刀
破關兵三英戰呂布
匿玉璽孫堅背約
孫堅跨江擊劉表
董太師大鬧風儀亭
犯長安李傕聽賈詡
報父讎曹操興師
呂溫侯漢陽破曹操
曹孟德大戰呂布
楊奉董承雙救駕
呂奉先乘夜襲徐州
孫伯符大戰嚴白虎
曹孟德敗師渭水
曹孟德會合三將
夏侯惇拔矢啖睛

第二十九回

下邳城曹操鏖兵

白門樓呂布殞命

第二十回

曹阿瞞許田打圍

董國舅內閣受詔

第二十一回

曹操煮酒論英雄

關公賺城斬車胄

第二十二回

袁曹各起馬步三軍

關張共擒王劉二將

第二十三回

關正平裸衣罵賊

吉太醫下毒遭刑

第二十四回

國賊行兇殺貴妃

皇叔敗走投袁紹

第二十五回

屯土山關公約三事

救白馬曹操解重圍

第二十六回

袁本初損兵折將

關雲長挂印封金

第二十七回

美髯公千里走單騎

漢壽侯五關斬六將

第二十八回

斬蔡陽兄弟釋疑

會古城主臣聚義

第二十九回

小霸王怒斬于吉

碧眼兒坐領江東

第三十回

戰官渡本初敗績

劫烏巢孟德燒糧

卷二

第三十一回

曹操倉亭破本初

玄德荊州依劉表

第三十二回

牽冀州袁尙爭鋒

決漳河許攸獻計

第三十三回

曹丕乘亂納甄氏

郭嘉遺計定遼東

第三十四回

蔡夫人隔屏聽密語

劉皇叔躍馬過檀溪

第三十五回

玄德南漳逢隱淪

單福新野遇英主

第三十六回

玄德用計襲樊城

元直走馬薦諸葛

第三十七回

司馬徽再薦名士

劉玄德三顧草廬

第三十八回

定三分隆中決策

賈長江孫氏報仇

第三十九回 荊州城公子三求計

第四十回 蔡夫人讒獻荊州

第四十一回 劉玄德攜民渡江

第四十二回 張翼德大鬧長坂橋

第四十三回 諸葛亮舌戰羣儒

第四十四回 孔明用智激周瑜

第四十五回 三江口曹操折兵

第四十六回 用奇謀孔明借箭

第四十七回 關澤密獻詐降書

第四十八回 寧長江曹操賦詩

第四十九回 七星壇諸葛祭風

第五十回 諸葛亮智算華容

第五十一回 曹仁大戰東吳兵

第五十二回 諸葛亮智辭魯肅

第五十三回 關雲長義釋黃漢升

第五十四回 吳國太佛寺看新郎

第五十五回 玄德智激孫夫人

第五十六回 曹操大宴銅雀臺

第五十七回 樂桑口臥龍巾喪

第五十八回 馬孟起興兵雪恨

第五十九回 許褚裸衣鬪馬超

博望坡軍師初用兵

諸葛亮火燒新野

趙子龍單騎救主

劉豫州敗走漢津口

魯子敬力排衆議

孫權決計破曹操

羣英會蔣幹中計

獻密計黃蓋受刑

龐統巧授連環計

鎖戰船北軍用武

三江口周瑜縱火

關雲長義釋曹操

孔明一氣周公瑾

趙子龍計取桂陽

孫仲謀大戰張文遠

劉皇叔洞房續佳偶

孔明二氣周公瑾

孔明三氣周公瑾

未陽縣鳳雛理事

曹阿瞞割鬚棄袍

曹操抹書問韓遂

第六十回

張永年反難楊修

龐士元議取西蜀

卷三

第六十一回

趙雲截江奪阿斗

孫權遺書退老瞞

第六十二回

取涪關楊高授首

攻維城黃魏爭功

第六十三回

諸葛亮痛哭龐統

張翼德義釋嚴顏

第六十四回

孔明定計捉張任

楊阜借兵破馬超

第六十五回

馬超大戰葭萌關

劉備自領益州牧

第六十六回

關雲長單刀赴會

伏皇后爲國損生

第六十七回

曹操平定漢中地

張遼威震逍遙津

第六十八回

甘寧百騎劫魏營

左慈擲杯戲曹操

第六十九回

卜周易管輅知機

討漢賊五臣死節

第七十回

猛張飛智取瓦口隘

老黃忠計奪天蕩山

第七十一回

占對山黃忠逸待勞

據漢水趙雲寡勝衆

第七十二回

諸葛亮智取漢中

曹阿瞞兵退斜谷

第七十三回

玄德進位漢中王

雲長攻拔襄陽郡

第七十四回

龐令名擡柩決死戰

關雲長放水滄江

第七十五回

關雲長刮骨療毒

呂子明白衣渡江

第七十六回

徐公明大戰沔水

關雲長敗走麥城

第七十七回

玉泉山關公顯聖

洛陽城曹操感神

第七十八回

治風疾神醫身死

傳遺命奸雄數終

第七十九回

兄逼弟曹植賦詩

姪陷叔劉封代法

第八十回

曹丕廢帝篡炎劉

漢王正位續大統

第八十一回

急兄讎張飛遇害

雲弟恨先主興兵

第八十二回

孫權降魏受九錫

先主征吳賞六軍

第八十三回

戰猇亭先主得韓人

守江口書生拜大將

第八十四回

陸遜營燒七百里

孔明巧布八陣圖

第八十五回

劉先主遺詔託孤兒

諸葛亮安居平五路

第八十六回

難張溫秦宓還天辨

破曹丕徐盛用火攻

第八十七回

征南寇丞相大興師

抗天兵蠻王初受執

第八十八回

渡瀘水再縛番王

識詐降三擒孟獲

第八十九回

武鄉侯四番用計

南蠻王五次遭擒

第九十回

驅巨獸六破蠻兵

燒藤甲七擒孟獲

卷四

第九十一回

祭瀘水漢相班師

伐中原武侯上表

第九十二回

趙子龍力斬五將

諸葛亮智取三城

第九十三回

姜伯約歸降孔明

武鄉侯罵死王朗

第九十四回

諸葛亮棄甯破羌兵

司馬懿尅日擒孟達

第九十五回

馬謖拒諫失街亭

武侯彈琴退仲達

第九十六回

孔明揮淚斬馬謖

周紡勸髮賺曹休

第九十七回

討魏國武侯再上表

破曹兵姜維詐獻書

第九十八回

追漢軍王雙受誅

斃陳倉武侯取勝

第九十九回

諸葛亮大破魏兵

司馬懿入寇西蜀

- 第一百回 漢兵劫寨破曹真
出隴上諸葛妝神
司馬懿占北原渭橋
上方谷司馬受困
殞大星漢丞相歸天
武侯預伏錦囊計
公孫淵兵敗死襄平
魏主政歸司馬氏
丁奉雪中奮短兵
困司馬漢將奇謀
文鴛單騎退雄兵
鄧士載智敗姜伯約
救壽春于詮死節
丁奉定計斬孫琳
曹髦驅車死南闕
詔班師後主信讒
鍾會分兵漢中道
鄧士載偷渡陰平
哭祖廟一王死孝
假投降巧計成虛話
薦杜預老將獻新謀
- 武侯關陣辱仲達
奔劍閣張郃中計
諸葛亮造木牛流馬
五丈原諸葛禱星
鬼木像魏都督喪膽
魏主拆取承露盤
司馬懿詐病賺曹爽
姜維兵敗牛頭山
孫峻席間施密計
廢曹芳魏家表報
姜維背水破大敵
諸葛誕義討司馬昭
取長城伯約鑿兵
姜維驍陣破鄧艾
姜維棄糧勝魏兵
託屯田姜維游渦
武侯顯聖定軍山
諸葛瞻戰死綿竹
入西川二十爭功
再受禪依樣畫葫蘆
降孫皓三分歸一統

古三國演義 卷二

第三十一回 曹操倉亭破本初 玄德荊州依劉表

却說曹操乘袁紹之敗，整頓軍馬，迤邐追襲袁紹。巾單衣引八百餘騎，奔至黎陽北岸。大將蔣義渠出寨迎接。紹以前事訴與義渠，義渠乃招諭離散之衆，衆聞紹在，又皆蟻聚。軍勢復振，議還冀州。軍行之次，夜宿荒山。紹於帳中聞遠處有哭聲，遂私往聽之。却是敗軍相聚，訴說喪兄失弟、棄伴亡親之苦。各各捶胸大哭。皆曰：「若聽田豐之言，我等怎遭此禍？」紹大悔曰：「吾不聽田豐之言，兵敗將亡，今回去有何面目見之耶？」次日上馬，正行間，逢紀引軍來接。紹對逢紀曰：「吾不聽田豐之言，致有此敗。吾今歸去，羞見此人。逢紀因譖曰：「豐在獄中聞主公兵敗，撫掌大笑曰：『果不出吾之所料。』」袁紹大怒曰：「賢儒怎敢笑我，我必殺之。」遂命使者齋寶劍先往冀州獄中殺田豐。卻說田豐在獄中一日，獄吏來見，曰：「與別駕賀喜。」豐曰：「何喜可賀？」獄吏曰：「袁將軍六敗而回，君必見重矣。」豐笑曰：「吾今死矣。」獄吏問曰：「人皆言死也。」豐曰：「袁將軍外寬而內忌，不念忠誠，若勝而喜，猶能赦我。今戰敗則羞，吾不望生矣。」獄吏未信。齋劍至，傳袁紹命欲取田豐之首。獄吏方賀曰：「吾固知必死也。」獄吏皆流淚。豐曰：「大丈夫生於天地間，不諱其主而事之，是無智也。今日受死，本無足惜。」目劔於獄中。後人有詩曰：「昨朝沮授軍中死，今日田豐獄內亡。河北棟梁皆折斷，本初焉不喪家邦。」田豐死，聞者皆為歎惜。袁紹回冀州，心煩意亂，不理政事。其妻劉氏勸立後嗣。紹所生三子：長子袁譚，字顯思，出守青州；次子袁熙，字顯弉，出守幽州；三子袁尚，字顯甫，是紹後妻劉氏所出。生得形貌俊偉，紹甚愛之。因此留在身邊，自官渡兵敗之後，劉氏勸立尚為後嗣。紹乃與審配、逢紀、辛評、郭圖四人商議。原來審配、逢紀二人向輔袁尚，辛評二人向輔袁譚。四人各為其主，當下袁紹謂四人曰：「今外患未息，內事不可不早定。吾將議立後嗣，長子譚為人性剛，好殺；次子熙為人柔懦，難成；三子尚有英雄之表，禮賢敬士，吾欲立之。公等之意若何？」郭圖曰：「三子之中，譚為長，今又居外，主公若廢長立幼，此亂萌也。目今軍威稍挫，敵兵壓境，豈可復使父子兄弟自相爭亂耶？主公且理會拒敵之策，立嗣之事，再容後議。」袁紹躊躇未決，忽報袁熙引兵六萬自幽州

來。袁譚引兵五萬自青州來，外甥高幹亦引兵五萬自并州來，各至冀州助戰。紹喜，再整人馬來戰。曹操時操引得勝之兵，陳列於河上，有土人軍食盡，以迎之。操見老父數人，鬚髮盡白，乃命入帳中賜坐，問之曰：「老丈多少年紀？」答曰：「皆近百歲矣。」操曰：「吾軍士驚擾汝鄉，吾甚不安。」老父曰：「桓帝時，有黃星見於楚宋之分，遂東人毀燹，善曉天文，夜宿於此，對老漢等言黃星見於乾象，正照此間。後五十年，當有真人起於梁沛之間，今以年計之，整整五十年矣。本初重斂於民，民皆怨之，丞相與仁義之兵，吊民伐罪，官渡一戰，破袁紹百萬之衆，正應當時毀燹之言，兆民可望太平矣。」操笑曰：「何敢當老丈所言？」遂取酒食，絹帛賜老人，而遣之。號令三軍，如有下鄉殺人、家雞犬者，如殺人之罪。於是軍民震服，操亦心中暗喜。人報袁紹聚四州之兵，得二三十萬，前至倉亭下寨。操提兵前進，下寨已定。次日，兩軍相對，各布成陣勢。操引諸將出陣，紹亦引三子一甥及文官武將出到陣前。操曰：「本初計窮力盡，何尚不想投降？直待刀臨項上，悔無及矣。」紹大怒，回顧衆將曰：「誰敢出馬？」袁尙欲於父前逞能，便舞雙刀，飛馬出陣，來往奔馳。操指問衆將曰：「此何人有識者？」答曰：「此袁紹三子袁尙也。」言未畢，一將挺槍早出，操視之，乃徐晃部將史渙也。兩騎相交，不三合，尙撥馬斜斜而走。史渙趕來，袁尙拈弓搭箭，翻身背射。正中史渙左目，墜馬而死。袁紹見子得勝，揮鞭一指，大隊人馬擁殺過來混戰。大殺一場，各鳴金收軍。還寨操與諸將商議破紹之策。程昱獻十面埋伏之計，勸操退軍於河上，伏兵十隊誘紹追至河上，我軍無路退，必將死戰。可勝紹矣。操然其計，左右各分五隊，左一隊夏候惇、二隊張遼、三隊李典、四隊樂進、五隊夏侯淵。右一隊曹洪、二隊張郃、三隊徐晃、四隊于禁、五隊高覽。中軍許褚爲先鋒。次日，十隊先進，埋伏左右已定。至半夜，操令許褚引兵前進，僞作劫寨之勢。袁紹五寨人馬一齊俱起，許褚回軍便走。袁紹引軍趕來，喊聲不絕。比及天明，趕至河上，曹軍無去路，操大呼曰：「前去無路，諸軍何不死戰？」衆軍回身奮力向前。許褚飛馬當先，力斬十數將。袁軍大亂，袁紹退軍急回，背後曹軍趕來，正行間，一聲鼓響，左邊夏侯淵、右邊高覽、兩軍衝出。袁紹聚三子一甥，死衝血路奔走，又行不到十里，左邊樂進、右邊于禁殺出，殺得袁軍屍橫遍野，血流成渠。又行不到數里，左邊李典、右邊徐晃，兩軍截殺一陣。袁紹父子膽喪心驚，奔入舊寨，令三軍造飯，方欲待食。左邊張遼、右邊張郃，徑來衝寨，紹慌上馬前奔倉亭人馬困乏，欲待歇息。後面曹操大軍趕來，袁紹捨命而走。正行間，右邊曹洪、左邊夏侯惇擋住去路，紹大呼曰：「若不決死戰，必爲所擒矣。」奮力衝突，得脫重圍。袁熙、高幹皆被箭傷，軍馬

死亡殆盡。紹拖二子痛哭一場，不覺昏倒。衆人急救，紹口吐鮮血不止，歎曰：「吾自歷戰數十場，不意今日狼狽至此。」此天喪晉也。汝等各回本州，暫與曹賊一決雌雄。便教辛評、郭圖、火急隨袁譚前往青州，整頓恐曹操犯境，令袁熙仍回幽州，高幹仍回并州，各去收拾人馬，以備調用。袁紹引袁尚等入冀州養病，令尚與審配、逢紀、督軍事。却說曹操自倉亭大勝，重賞三軍，令人探察冀州虛實，細作回報。紹臥病在牀，袁尚審配、緊守城池。袁譚、袁熙、高幹皆回本州，衆皆勸操急攻之。操曰：「冀州糧食極廣，審配又有機謀，未可急拔。見今禾稼在田，恐廢民業。姑待秋成，後取之。」未晚正議間，忽荀彧有書到，報說劉備在汝南得劉辟、魏都數萬之衆，聞丞相提軍出征河北，乃令劉辟守汝南，備親自引兵乘虛來攻許昌。丞相可速回軍禦之。操大驚，留曹洪屯兵河上，慮張聲勢，操自提大兵往汝南來迎。劉備却說玄德與關、張、趙雲等引兵欲襲許都，行近覆山地面，正遇曹兵殺來。玄德便於覆山下寨，軍分三隊，雲長屯兵於東南角上，張飛屯兵於西南角上，玄德與趙雲於正南立寨。曹操兵至，玄德鼓譟而出，操布成陣勢，叫玄德打話。玄德出馬於門旗下，操以鞭指罵曰：「吾待汝爲上賓，汝何背義亡恩？」玄德曰：「汝託名漢相，實爲國賊。吾乃漢室宗親，奉天子密詔來討反賊，遂於馬上誦衣帶詔，操大怒，教許褚出戰。玄德背後趙雲挺槍出馬，二將相交三十合，不分勝負。忽然喊聲大振，東南角上雲長衝突而來，西南角上張飛引軍衝突而來，三處一齊掩殺，曹軍遠來疲困，不能抵擋。大敗而走。玄德得勝，回營次日，又使趙雲搦戰。操兵旬日不出，玄德再使張飛搦戰，操兵亦不出。玄德愈疑，忽報襲都糧糧至，被曹軍圍住。玄德急令張飛去救，忽又報夏侯惇引軍抄背後徑取汝南。玄德大驚曰：「若如此，吾前後受敵，無所歸矣。」急遣雲長救之。兩軍皆去，不一日，飛馬來報夏侯惇已打破汝南，劉辟棄城而走。雲長現今被圍。玄德大驚，又報張飛去救，雲長也被圍住了。玄德急欲回兵，又恐操兵後襲，忽報寨外許褚搦戰。玄德不敢出戰，候至天明，教軍士飽餐，步軍先起，馬軍後隨。寨中虛傳更點，玄德等離寨約行數里，轉過上山，火把齊明，山頭上大呼曰：「休教走了劉備丞相在此。」專等玄德慌尋走路。趙雲曰：「主公勿憂，但跟某來。」趙雲挺槍躍馬，殺開條路。玄德舉雙股劍後隨，正戰間，許褚追至，與趙雲力戰。背後于禁、李典又到，玄德見勢危，落荒而走，聽得背後喊聲漸遠，玄德望深山僻路，單馬逃生，捱到天明，側首一彪軍衝出，玄德大驚視之，乃劉辟引敗軍千餘騎，護送玄德家小前來。孫乾、簡雍、糜芳亦至，訴說夏侯惇軍勢甚銳，因此棄城而走。曹兵趕來，幸得雲長當住，因此得脫。玄德曰：「不知雲長令

在何處劉辟曰將軍且行卻再理會行到數里一棒鼓響前面擁出一彪人馬當先大將乃是張郃大叫劉備快下馬受降玄德方欲退後只見山頭上紅旗麾動一軍從山塢內擁出爲首大將乃高覽也玄德兩頭無路仰天大呼曰天何使我受此窘極耶事勢至此不如就死欲拔劍自刎劉辟急止之曰容某死戰奪路救君言訖便來與高覽交鋒戰不三合被高覽一刀砍於馬下玄德正慌方欲自戰高覽後軍忽然自亂一將衝陣而來槍起處高覽翻身落馬視之乃趙雲也玄德大喜雲縱馬挺槍殺散後隊又來前軍獨戰張郃郃與雲戰三十餘合撥馬敗走雲乘勢衝殺郃被郃兵守住山隘路窄不得出正奪路間只見雲長關平周倉引三百軍到兩下夾攻殺退張郃各出隘口占住山險下寨玄德使雲長尋覓張飛原來張飛去救龔都龔都已被夏侯淵所殺飛奮力殺退夏侯淵迤邐趕去卻被樂進引軍圍住雲長路逢敗軍尋蹤而去殺退樂進與飛同回見玄德人報曹軍大隊趕來玄德教孫乾等保護家小先行玄德與關張趙雲在後且戰且走操見玄德去遠收軍不趕玄德敗軍不滿一千狼狽而奔前至一江喚土人問之乃漢江也玄德權且安營土人知是玄德奉獻羊酒乃聚斂於沙灘之上玄德歎曰諸君皆有王佐之才不幸跟隨劉備備之命窘累及諸君今日身無立錐誠恐有誤諸君君等何不棄備而投明主以取功名乎衆皆掩面而哭雲長曰兄言差矣昔日高祖與項羽爭天下數敗於羽後九里山一戰成功而開四百年基業勝負兵家之常何可自隳其志孫乾曰成敗有時不可喪志此離荊州不遠劉景升坐鎮九州兵強糧足更且與公皆漢室宗親何不往投之玄德曰但恐不容耳乾曰某願先往說之使景升出境而迎主公玄德大喜便令孫乾星夜往荊州到郡入見劉表禮畢劉表問曰公從玄德何姑至此乾曰劉使君天下英雄雖兵微將寡而志欲匡扶社稷汝南劉辟龔都素無親故亦以死報之明公與使君同爲漢室之曹今使君新敗欲往江東投孫仲謀乾僞言曰不可背親而向疎荊州劉將軍禮賢下士士歸之如水之投東何況同宗乎因此使君特使乾先來拜曰唯明公命之表大喜曰玄德吾弟也久欲相會而不可得今肯惠顧實爲幸甚蔡瑁譖曰不可劉備先從呂布後事曹操近投袁紹皆不克終足可見其爲人今若納之曹操必加兵於我枉動干戈不如斬孫乾之首以獻曹操操必重待主公也孫乾正色曰乾非懼死之人也劉使君忠心爲國非曹操袁紹呂布等比前此相從不得已也今聞劉將軍漢朝苗裔誼切同宗故千里相投爾何獻讒而妬賢如此耶劉表聞言乃叱蔡瑁曰吾主意已定汝勿多言蔡瑁慚恨而出劉表遂

命孫乾先往報玄德一面親自出郭二十里迎接。玄德見表，執禮甚恭，表亦相待甚厚。玄德引關張等拜見劉表，表遂與玄德等同入荊州，分撥院宅居住。卻說曹操探知玄德已往荊州投奔劉表，便欲引兵攻之。程昱曰：「袁紹未除，而遽攻荆襄，倘袁紹從北而起，勝負未可知矣。不如還兵許都，養軍蓄銳，待來年春曠，然後引兵先破袁紹，後取荆襄，南北之利一舉可收也。」操然其言，遂提兵回許都。至建安八年春正月，操復商議興兵。先差夏侯惇、滿寵領守汝南，以拒劉表。留曹仁、荀彧守許都，親給大軍前赴官渡屯紮。且說袁紹自舊歲感冒吐血症候，今方稍愈。商議欲攻許都，審配諫曰：「舊歲官渡倉亭之敗，軍心未振，倘當深溝高壘，以養軍民之力，正議間，忽報曹操進兵官渡，來攻冀州。紹曰：若候兵臨城下，將至河邊，然後拒敵，事已遲矣。吾當自領大軍出迎。」袁紹曰：「父親病體未痊，不可遠征。兒願提兵前去迎敵。」紹許之，遂使人往青州取袁譚、幽州取袁熙、并州取高幹，四路同破曹操。正是：「纔向汝南鳴戰鼓，又從冀北動征鼙。」未知勝負如何，且看下回分解。

第三十二回 奪冀州袁尚爭鋒 決漳河許攸獻計

卻說袁尚自斬史渙之後，自負其勇，不待袁譚等兵至，自引兵數萬出黎陽，與曹軍前隊相迎。張遼當先出馬，袁尚挺槍來戰，不三合，架隔遮欄不住，大敗而走。張遼乘勢掩殺，袁尚不能主張，急急引軍奔回冀州。袁紹聞袁尚敗回，又受了一驚，舊病復發，吐血數斗，昏倒在地。劉夫人慌救入臥內，病勢漸危。劉夫人急請審配、逢紀直至袁紹榻前，商議後事。紹但以手指而不能言。劉夫人曰：「尚可繼後嗣否？」紹點頭。審配便就榻前寫了遺囑，紹翻身大叫一聲，又吐血斗餘而死。後人有詩曰：「累世公卿立大名，少年意氣自縱橫。空招俊傑三千客，漫有英雄百萬兵。羊質虎皮功不就，鳳毛雞膽事難成。更憐一種傷心處，家難徒延兩弟兄。」袁紹既死，審配等主持喪事。劉夫人便將袁紹所愛寵妾五人盡行殺害，又恐其陰魂於九泉之下再與紹相見，乃髡其髮，刺其面，毀其屍，其妬惡如此。袁尚恐寵妾家屬爲害，并收而殺之。審配逢紀立袁尚爲大司馬將軍，領冀青幽并四州牧，遣使報喪。此時袁譚已發兵離青州，知父死，便與辛評、郭圖商議。圖曰：「主公不在冀州，審配逢紀必立顯甫爲主矣。當速行，辛評曰：「審逢二人必預定機謀，今若速往，必遭其禍。」袁譚曰：「若此，當如何？」郭圖曰：「可屯兵城外，觀其動靜。某當親往祭之。」譚依言，郭圖遂入冀州。

見袁尙禮畢尙問兄何不至圖曰因抱病在軍中不能相見尙曰吾受父親遺命立我爲主加兄爲車騎將軍目下曹軍壓境請兄爲前部吾隨後便調兵接應也圖曰軍中無人商議良策願乞審正南達元圖二人爲輔尙曰吾亦欲仗此二人早晚畫策如何難得圖曰然則於二人內遣一人去何如尙不得已乃令二人拈鬮拈着者便去遂紀拈着尙卽命逢紀齎印綬同郭圖赴袁譚軍中紀隨圖至譚軍見譚無病心中不安獻上印綬譚大怒欲斬逢紀郭圖密諫曰今曹軍壓境且只款留逢紀在此以安尙心待破曹之後却來爭冀州不遲譚從其言卽時拔寨起行前至黎陽與曹軍相抵譚遣大將王昭召出戰操遣徐晃迎敵二將戰不數合徐晃一刀斬王昭於馬下曹軍乘勢掩殺譚軍大敗譚收敗軍入黎陽遣人求救於尙尙與審配計議只發兵五千餘人相助曹操探知救軍已到遣樂進李典引兵於半路接着兩頭圍住盡殺之袁譚知尙止撥兵五千又被半路坑殺大怒乃喚逢紀責罵紀曰容某作書致主公求其親自來救譚卽令紀作書遣人到冀州致袁尙尙與審配共議配曰郭圖多謀前次不爭而去者爲曹軍在境也今若破曹必來爭冀州矣不如不發救兵借操之力以除之尙從其言不肯發兵使者回報譚大怒立斬逢紀欲降曹早有細作密報袁尙尙與審配議曰使譚降曹并力來攻則冀州危矣乃留審配并大將蘇由固守冀州自領大軍來黎陽救譚尙問軍中誰敢爲前部大將呂曠呂翔兄弟二人願去尙點兵三萬使爲先鋒先至黎陽譚聞尙自來大喜遂罷降曹之議譚屯兵城中尙屯兵城外爲犄角之勢不一日袁熙高幹皆領軍到城外屯兵三處每日出兵與操相持尙屢敗操兵屢勝至建安八年春二月操分路攻打袁譚袁熙尙高幹皆大敗棄黎陽而走操引兵追至冀州譚與尙入城堅守熙與幹離城三十里下寨虛張聲勢操兵連日攻打不下郭嘉進曰袁氏廢長立幼而兄弟之間權力相併各自樹黨急之則相救緩之則相爭不如舉兵南向荊州征討劉表以候袁氏兄弟之變變成而後擊之可一舉而定也操善其言命賈詡爲太守守黎陽曹洪引兵守官渡操引大軍向荊州進兵譚尙聽知曹軍自退遂相慶賀袁熙高幹各自辭去袁譚與郭圖辛評議曰我爲長子反不能承父業尙乃繼母所生反承大爵心實不甘圖曰主公可勒兵城外只做請顯甫餐配飲酒伏刀斧手殺之大事定矣譚從其言適別駕王修自青州來譚將此計告之修曰兄弟者左右手也今與他人爭鬪斷其右手而曰我必勝安可得乎夫棄兄弟而不親天下其誰親之彼讒人離間骨肉以求一朝之利願塞耳勿聽也譚怒叱退王修使人去請袁尙尙與審配

商議配曰此必郭圖之計也。主公若往，必遭奸計。不如乘勢攻之。袁尚依言，便披挂上馬，引兵五萬出城。袁譚見袁尚引軍來，情知事泄，亦即披挂上馬，與尚交鋒。尚見譚大罵，譚亦罵曰：汝藥死父親，篡奪爵位，今又來殺兄耶！二人親自交鋒。袁譚大敗，尚親冒矢石，衝突掩殺。譚引敗軍奔平原。尚收兵還冀州，與郭圖再議進兵。令岑璧為將，領兵前來。尚自投兵出冀州，兩陣對圓，旗鼓相望。璧出罵陣，尚欲自戰。大將呂曠拍馬舞刀，死戰岑璧。二將戰無數合，曠斬岑璧於馬下。譚兵又敗，再奔平原。審配勸尚進兵，追至平原。譚抵當不住，退入平原，堅守不出。尚三面圍城，攻打譚與郭圖計議。圖曰：今城中糧少，彼軍方銳，勢不相敵。愚意可遣人投降曹操，使操將兵攻冀州。尚必還救。將軍引兵夾擊之，尚可擒矣。若操擊破尚軍，我因而斂其軍實，以拒操，操軍遠來，糧食不繼，必自退去。我可以仍據冀州，以圖進取也。譚從其言，問曰：何人可為使圖？曰：辛評之弟辛毗，字佐治，現為平原令。此人乃能言之士，可命為使。譚即召辛毗。毗欣然而至。譚修書付毗，使三千軍送毗出境。毗星夜齋書往見曹操。時操屯軍西平，伐劉表，表遣玄德引兵為前部以迎之。未及交鋒，辛毗到操寨，見操禮畢，操問其來意。毗具言袁譚相求之意。呈上書信，操看書畢，留辛毗於寨中。聚文武計議。程昱曰：袁譚被袁尚攻擊太急，不得已而來降，不可准信。呂虔滿寵亦曰：丞相既引兵至此，安可復舍表而助譚？荀攸曰：三公之言未善，以愚意度之，天下方有事，而劉表坐保江漢之間，不敢展足，其無四方之志，可知矣。袁氏據四州之地，帶甲數十萬，若二子和睦，共守成業，天下事未可知也。今乘其兄弟相攻，勢窮而投我，我提兵先除袁尚，後觀其變，并滅袁譚，天下定矣。此機會不可失也。操大喜，便邀辛毗飲酒，謂之曰：袁譚之降，真耶？詐耶？袁尚之兵，果可必勝耶？毗對曰：明公勿問真與詐也。只論其勢可耳。袁氏連年喪敗，兵革疲於外，謀臣誅於內，兄弟譏隙，國分為二，加之饑饉並臻，天災人困，無問智愚，皆知土崩瓦解。此為天滅袁氏之時也。今明公提兵攻鄴，袁尚不還救，則失巢穴。若還救，則譚踵襲其後，以明公之威，擊疲憊之衆，如迅風之掃秋葉也。不此之圖，而伐荊州，荊州豐樂之地，國和民順，未可搖動。況四方之患，莫大於河北。河北既平，則霸業成矣。願明公詳之。操大喜曰：恨與辛佐治相見之晚也。即日督軍還取冀州。玄德恐操有謀，不敢追擊。引兵自回荊州。卻說袁尚知曹軍渡河，急急引軍還鄴。命呂曠、呂翔斷後。袁譚見尚退軍，乃大起平原軍馬，隨後趕來。行不到數十里，一聲砲響，兩軍齊出。左邊呂曠右邊呂翔兄弟二人截住袁譚。勒馬告二將曰：吾父在日，吾並未慢待二將軍，今何從吾弟而見逼耶？二將

聞言乃下馬降譚。譚曰：「勿降我，可降曹丞相。」二將因隨譚歸營。譚俟操軍至，引二將見操。操大喜，以女許譚為妻。卽令呂曠、呂翔為媒，譚請操攻取冀州。操曰：「方今糧草不接，搬運勞苦，我由濟河過淇水，入白溝，以通糧道。然後進兵，令譚且居平原，操引軍屯黎陽，封呂曠、呂翔為列侯，隨軍聽用。」郭圖謂袁譚曰：「曹操以女許婚，恐非真意。今又封賞呂曠、呂翔帶去軍中，此乃牢籠河北人心。後必將為我禍。」主公可刻將軍印二顆，暗使人送與二呂，令作內應。待操破了袁尚，可乘便圖之。譚依言，遂刻將軍印二顆，暗送與二呂。二呂受訖，徑將印來，裏曹操大笑曰：「譚暗送印者，汝汝等為內助，待我破袁尚之後，就中取事耳。」汝等且權受之。我自為主張。自此曹操便有殺譚之心。且說袁尚與審配商議，今曹兵運糧入白溝，必來攻冀州。如之奈何？配曰：「可發檄使武安長尹楷屯毛城，通上黨運糧道，令沮授之子沮鵠守邯鄲，遙為聲援。主公可進兵平原，急攻袁譚，先絕袁譚。然後破曹袁尚大喜，留審配與陳琳守冀州。使馬延、張顛二將為先鋒，連夜起兵攻打平原。譚知尚兵來近，告急於操。操曰：「吾今番必得冀州矣。」正說間，適許攸自許昌來，聞尚又攻譚，入見操曰：「丞相坐守於此，豈欲待天雷擊殺二袁乎？」操笑曰：「吾已料定矣。」遂令曹洪先進兵攻鄆。操自引一軍來攻尹楷。兵臨本境，楷引軍來迎。楷出馬，操曰：「許仲康安在？」許楷應聲而出，縱馬直取尹楷。楷措手不及，被許褚一刀斬於馬下。餘衆奔潰。操盡招降之，卽勒馬取邯鄲。沮鵠進兵來迎，張邈出馬與鵠交鋒，戰不三合。鵠大敗，遠從後追趕，兩馬相離不遠，遂急取弓射之，應弦落馬。操指揮軍馬掩殺衆皆奔散。於是操引大軍前抵冀州。曹洪已近城下，操令三軍繞城築之。上山又暗掘地道以攻之。審配設計堅守，法令甚嚴。東門守將馮禮因酒醉有誤，巡警配痛責之。馮禮懷恨，潛地出城降操。操問破城之策，禮曰：「突門外土厚，可掘地道而入。操便命馮禮引五百壯士，夤夜掘地道而入，卻說審配自馮禮出降之後，每夜親自登城點視軍馬。當夜在突門關上望見城外無燈火，配曰：「馮禮必引兵從地道而入也。」急喚精兵運石擊突關門，門開，馮禮及五百壯士皆死於土內。操折了這一場，遂罷地道之計，退軍於垣水之上，以候袁尚回兵。袁尚攻平原，聞曹操已破尹楷、沮鵠，大軍困圍冀州，乃掣兵回救。部將馬延曰：「從大路去，曹操必有伏兵，可取小路。」從西山出隘口去劫曹營，必解圍也。尚從其言，自領大軍先行。令馬延與張顛斷後，早有細作去報曹操。操曰：「彼若從大路上來，吾當避之；若從西山小路而來，一戰可擒也。」吾料袁尚必舉火為號，令城中接應。吾可分兵擊之。於是分撥已定，却說袁尚出隘水界口，東至陽平屯，軍陽平亭，離冀

州十七里一邊靠著滏水，尚令軍士堆積柴薪乾草，至夜焚燒爲號。遣主簿李孚扮作曹軍都督，直至城下，大叫開門。審配認得是李孚聲音，散入城中，說袁尚已陳兵在陽平亭等候接應。若城中出兵，亦舉火爲號。配教城中堆草放火，以通音信。孚曰：「城中無糧，可發老弱殘兵，并婦人出降，彼必不爲備。我即以兵繼百姓之後，出攻之。」配從其論。次日，城上豎起白旗，上寫冀州百姓投降。操曰：「此是城中無糧，教老弱百姓投降，後必有兵出也。」操教張遼、徐晃各引三千軍馬，伏於兩邊。操自乘馬張蓋，盡至城下。果見城門開處，百姓扶老攜幼，手持白旗而出。百姓纔出盡，城中兵突出，操教將紅旗一招，張遼、徐晃兩路兵齊出，亂殺城中兵，只得復回。操自飛馬趕來，到吊橋邊，城中弩箭如雨，射中操盔，險透其頂。衆將急救回陣。操更衣換馬，引衆將來攻。尚自迎敵，時各路軍馬一齊殺至，兩軍混戰。袁尚大敗，尚引敗兵退往西山下寨，令人催取馬延、張顛軍來。不知曹操已使呂曠、呂翔去招安。二將二將隨二呂來降，操亦封爲列侯。即日進兵攻打西山，先使二呂馬延、張顛截斷袁尚糧道。尚情知西山守不住，夜走滏口。安營未定，四下火光並起，伏兵齊出，人不及甲，馬不及鞍。尚軍大潰，退走五十里，勢窮力極，只得遣豫州刺史陰夔至操營，請降。操佯許之，卻連夜使張遼、徐晃去劫寨。尚盡棄印綬、節鉞、衣甲、輜重，望中山而逃。操回軍攻冀州，許攸獻計曰：「何不決漳河之水以淹之？」操然其計，先差軍於城外掘河，暫週圍四十里。審配在城上見操軍在城外掘壟，卻掘得甚淺，配暗笑曰：「此欲決漳河之水以灌城耳。河深可灌，如此之淺，有何用哉？遂不爲備。當夜曹操添十倍軍士，并力發掘。比及天明，廣深二丈，引漳水灌之。城中水淺數尺，更兼糧絕，軍士皆餓死。辛毗在城外，用槍挑袁尚印綬衣服，招安城內之人。審配大怒，將辛毗家屬老小八十餘口，就於城上斬之。將頭擲下。辛毗號哭不已。審配之姪番榮，素與辛毗相厚，見辛毗家屬被害，心中懷忿，乃密寫獻門之書，拴於箭上，射下城來。軍士拾獻辛毗，毗將書獻操。操先下令，如入冀州，休得殺害袁氏一門老小。軍民降者免死。次日，天明審榮大開西門，放曹兵入。辛毗躍馬先入軍將，隨後殺入冀州。審配在東南城樓上，見操軍已入城中，引數騎下城死戰。正迎徐晃交馬，徐晃生擒審配，綁出城來。路逢辛毗，毗咬牙切齒，以鞭鞭配首曰：「賊殺才今日死矣。」配大罵辛毗賊徒，引曹操破我冀州，我恨不殺汝也。徐晃解配見操，操曰：「汝知獻門接我者乎？」配曰：「不知。」操曰：「此汝姪審榮所獻也。」配怒曰：「小兒無行，乃至於此。」操曰：「昨孤至城下，何城中弩箭之多耶？」配曰：「恨少恨少。」操曰：「卿忠於袁氏，不容不如此。今肯降吾否？」配曰：「不降。」辛毗哭拜於

地曰。家屬八十餘口。盡遭此賊殺害。願丞相戮之。以雪此恨。配曰。吾生爲袁氏臣。死爲袁氏鬼。不似汝輩譏詬阿諛之賊。可速斬我。操教牽出。臨受刑。叱行刑者曰。吾主在北。不可使我面南而死。乃向北跪。引頸就刃。後人有詩歎曰。河北多名士。誰如審正南。命因昏主喪。心與古人參。忠直言無隱。廉能志不貪。臨亡猶北面。降者盡羞慙。審配既死。操憐其忠義。命葬於城北。衆將請曹操入城。操方欲起行。只見刀斧手擁一人至。操視之。乃陳琳也。操謂之曰。汝前爲本初作檄。但罪狀孤。可也。何乃辱及祖父耶。琳答曰。箭在弦上。不得不發耳。左右勸操殺之。操憐其才。赦之。乃命爲從事。卻說操長子曹丕。字子桓。時年十八歲。丕初生時。有雲氣一片。其色青紫。圓如車蓋。覆於其室。終日不散。有童氣者。密謂操曰。此天子氣也。令嗣貴不可言。丕八歲。能屬文。有逸才。博古通今。善騎射。好擊劍。時操破冀州。丕隨父在軍中。先領隨身軍。逕投袁紹家下。馬拔劍而入。有一將當之。曰。丕相有命。諸人不許入。紹府丕叱退提劍入後堂。見兩個婦人相抱而哭。丕欲殺之。正是「四世公侯都化夢。一家骨肉又遭殃」。未知性命如何。下回分解。

第三十三回 曹丕乘亂納甄氏 郭嘉遺計定遼東

卻說曹丕不見二婦人啼哭。拔劍欲斬之。忽見紅光滿目。遂按劍而問曰。汝何人也。一婦人告曰。妾乃袁將軍之妻。劉氏也。丕曰。此女何人。劉氏曰。此次男袁熙之妻甄氏也。因熙出鎮幽州。甄氏不肯遠行。故留於此。丕拖此女近前。見披髮垢面。丕以衫袖拭其面而觀之。見甄氏玉肌花貌。有傾國之色。遂對劉氏曰。吾乃曹丞相之子也。願保汝家。汝勿憂慮。遂按劍坐於堂上。卻說曹操統領衆將。入冀州城。將入城門。許攸縱馬近前。以鞭指城門而呼。操曰。阿瞞。汝不得我安得入此門。操大笑。衆將聞言。俱懷不平。操至紹府門下。問曰。誰會入此門來。守將對曰。世子在內。操喚出。責之。劉氏出拜曰。非世子不能保全妾家。願獻甄氏爲世子執箕帚。操教喚出甄氏。拜於前。操視之曰。眞吾兒婦也。遂令曹丕納之。操既定冀州。親往袁紹墓下設祭。再拜而哭。甚哀。顧謂衆官曰。昔日吾與本初共起兵時。本初問我曰。若事不轉。方面何所可據。吾問之曰。足下意欲若何。本初曰。吾南據河北。阻燕代。兼沙漠之衆。南向以爭天下。庶可以濟乎。吾答曰。吾任天下之智力。以道御之。無所不可。此言如昨。而今本初已喪。吾不能不爲流涕也。衆皆歎息。操以金帛糧米。賜紹妻劉氏。乃下令曰。河北居民。遭兵革之難。盡免今年租賦。一面寫表申朝。操自領冀州牧。一日。